

**CONVENIO DE COLABORACIÓN ENTRE A AXENCIA GALEGA DE INNOVACIÓN E A ASOCIACIÓN BIOGA-  
CLÚSTER TECNOLÓXICO EMPRESARIAL DAS CIENCIAS DA VIDA PARA A IMPLEMENTACIÓN DUN PLAN DE  
ACTIVIDADES PARA IMPULSAR A COMPETITIVIDADE, A INNOVACIÓN E O POTENCIAL DA BIOTECNOLOXÍA  
COMO TECNOLOXÍA FACILITADORA ESENCIAL DO TECIDO EMPRESARIAL GALEGO NO PERÍODO 2019-2020**

En Santiago de Compostela, a 22 de maio de 2019

**REUNIDOS**

FRANCISCO JOSÉ CONDE LÓPEZ, conselleiro de Economía, Emprego e Industria e Presidente da Axencia Galega de Innovación (en adelante, GAIN), actuando no exercicio das competencias que ten atribuídas polo artigo 34 da Lei 1/1983, de 22 de febreiro, de normas reguladoras da Xunta e da súa Presidencia, modificada polas leis 11/1988, do 20 de outubro; 7/2002, do 27 de decembro; 2/2007, do 28 de marzo e 12/2007, do 27 de xullo e polo Decreto 50/2012, do 12 de xaneiro, polo que se crea a Axencia Galega de Innovación e se aproban os seus estatutos.

CARME PAMPÍN CASAL, Presidenta da Asociación BIOGA - Clúster Tecnológico Empresarial das Ciencias da Vida (en adelante, BIOGA), en virtude das competencias que ten atribuídas polo artigo 22 dos estatutos de dita asociación.

Interveñen en función dos seus respectivos cargos no exercicio das funcións que, para convir en nome das entidades que representan, teñen conferidas e

**EXPOÑEN**

**PRIMEIRO.-**

Que son obxectivos da Xunta de Galicia en xeral, e de GAIN en particular, incrementar a competitividade do tecido produtivo galego a través do coñecemento e a innovación, establecendo como unha das súas

prioridades a difusión da transferencia de tecnoloxía e a mellora da cultura de I+D+i como clave para o crecemento e o desenvolvemento socioeconómico de Galicia.

#### SEGUNDO.-

Que GAIN é unha axencia pública autonómica encadrada nas entidades instrumentais do sector público autonómico reguladas no título III da Lei 16/2010, do 17 de decembro, de organización e funcionamento da Administración xeral do sector público autonómico, tal e como se recolle no Decreto 50/2012, do 12 de xaneiro, polo que se crea a Axencia Galega de Innovación e se aproban os seus estatutos (modificado polo Decreto 15/2014, de 6 de febreiro). Encóntrase adscrita á Consellería de Economía, Emprego e Industria e conta con personalidade xurídica propia diferenciada respecto da Administración Xeral da Comunidade Autónoma de Galicia, patrimonio e tesourería propios e autonomía de xestión nos termos que precisen as leis.

GAIN ten como finalidade fomentar e vertebrar as políticas de innovación nas administracións públicas galegas e o apoio e impulso do crecemento e da competitividade das empresas de Galicia, a través da implementación de estratexias e programas de innovación eficientes. Os seus estatutos atribúenlle, entre outras, as seguintes funcións: a ordenación, planificación, coordinación, execución e seguimento das competencias en materia de fomento da investigación que ten atribuídas a Comunidade Autónoma de Galicia en virtude do establecido no artigo 27.19º do Estatuto de autonomía de Galicia e a promoción, xestión e execución do Plan Galego de Investigación, Desenvolvemento e Innovación Tecnolóxica, asumindo a súa coordinación, seguimento e avaliación.

#### TERCEIRO.-

Que BIOGA, constituído ao amparo da Lei Orgánica 1/2002, reguladora do dereito de asociación, é unha asociación sen ánimo de lucro de ámbito da comunidade autónoma de Galicia, dotada con personalidade xurídica propia e plena capacidade de obrar de acordo coa lexislación vixente sobre asociacións.

Segundo o artigo 4 dos seus estatutos, BIOGA ten entre os seus fins:

- Aproveitar as oportunidades da innovación que presenta o sector das Ciencias da Vida como vector de crecemento económico e social.

- Colaborar coa administración autonómica galega, co resto de administración autonómica, coa administración xeral do estado e coa administración europea, para o desenvolvemento dun marco legal e institucional de fomento da innovación no sector.
- Apoiar o emprendemento e consolidación das empresas no sector das Ciencias da Vida.
- Apoiar a expansión internacional das empresas no sector das Ciencias da Vida.
- Configurarse como clúster empresarial na comunidade autónoma de Galicia.
- Promover a análise e a perspectiva permanente do sector e as súas tendencias a nivel español e internacional, así como a divulgación dos avances científicos e tecnolóxicos das Ciencias da Vida e os beneficios que aporta á sociedade.
- Organizar actividades formativas orientadas ao sector das Ciencias da Vida.
- Realizar proxectos e actuacións de Investigación e Desenvolvemento para o sector das Ciencias da Vida.
- Acadar financiamento e canalizar axudas para os asociados para o desenvolvemento de proxectos no ámbito das Ciencias da Vida.

#### CUARTO.-

Que a Lei 5/2013, do 30 de maio, de fomento da investigación científica e a innovación de Galicia, ten por obxecto establecer o marco para o fomento da investigación e do desenvolvemento tecnolóxico, da transferencia e valorización de resultados e da innovación en Galicia en todas as súas vertentes, así como da súa xestión eficiente. Esta lei, no seu capítulo III, establece o Plan Galego de Investigación e Innovación como instrumento fundamental de planificación e coordinación das políticas en materia de investigación, transferencia, valorización e innovación en Galicia.

O Plan Galego de Investigación, Desenvolvemento e Innovación Tecnolóxica de Galicia 2011-2015 (Plan I2C), aprobado polo Consello da Xunta de Galicia do 23 de decembro de 2010 é o antecedente inmediato da vixente Estratexia de Especialización Intelixente de Galicia 2014-2020 (RIS3 Galicia), que foi aprobada polo Consello da Xunta de Galicia na súa reunión do 7 de novembro de 2013. A RIS3 Galicia supón unha aposta sen precedentes polo sector da biotecnoloxía, que xoga un papel moi destacado e esencial no desenvolvemento de sectores estratéxicos para a comunidade como o agro-mar-alimentario e a saúde.

#### QUINTO.-

Que a Estratexia Galega de Impulso á Biotecnoloxía 2016-2020, liderada pola Consellería de Economía, Emprego e Industria, coa implicación transversal de catro consellerías máis: Consellería de Sanidade, Educación, Universidade e Formación Profesional, do Mar e do Medio Rural e a participación de máis de 50 axentes entre empresas, organismos e centros de investigación e universidades, ten como obxectivo crear 30 novas empresas biotecnolóxicas en Galicia nos próximos cinco anos, un 15% máis das cerca de 220 que temos actualmente; sumar, entre todas elas, unha facturación de 300 millóns de euros, un 20% máis que na actualidade; e xerar 300 novos empregos cualificados no sector, un 25% máis que os actuais. Ademais define unha serie de subsectores prioritarios: o aproveitamento dos recursos mariños e pesqueiros, a alimentación funcional e o envellecemento activo, os novos produtos e procesos para o sector lácteo, as novas tecnoloxías para o medicamento personalizado, a eficiencia na sanidade animal e derivados e a open innovation para o descubrimento de fármacos, aos que se aúna como subsector transversal o das tecnoloxías facilitadoras: tics e bioinformática, química biolóxica, xenética, bioenxeñería e tecnoloxías ambientais.

#### SEXTO.-

Que co desenvolvemento da Axenda da Competitividade Industrial Galicia Industria 4.0, a Xunta de Galicia aspira a modernizar a industria galega a través da innovación, establecendo novas fórmulas de produción que melloren a súa competitividade, e impulsando a fabricación de produtos diferenciados e de calidade. Esta axenda ten unha clara orientación sectorial co obxectivo tanto de reforzar sectores estratéxicos da economía galega –agroalimentario, automoción, naval, forestal ou téxtil-, como de impulsar outros emerxentes e de maior valor engadido, como o aeronáutico, o biotecnolóxico ou as TIC.

Os clústers empresariais constitúen unha parte fundamental de dita axenda que aposta polo equilibrio entre o reforzo dos sectores tradicionais e o impulso dos emerxentes, ademais da hibridación multisectorial, que supón a interconexión de sectores distintos na procura de aproveitar as sinerxías entre eles para mellorar a súa competitividade no mercado global.

#### SÉTIMO.-

Que BIOGA ten establecido un Plan de Acción para os anos 2019 e 2020 dirixido a impulsar o papel do sector biotecnolóxico empresarial galego como Tecnoloxía Facilitadora Esencial para o apoio aos diversos

sectores produtivos de Galicia, o impulso do desenvolvemento do negocio e da innovación nas empresas biotecnolóxicas, en liña cos obxectivos e actuacións da Estratexia de Impulso á Biotecnoloxía implementada en Galicia.

#### OITAVO.-

Que o sector biotecnolóxico de Galicia xerou en 2016 uns ingresos de explotación de máis de 258 millóns de euros e actualmente da emprego a máis de 3.000 persoas activas no sector (Informe BIO 2016).

BIOGA é a asociación empresarial máis representativa do sector biotecnolóxico en Galicia, aglutinando a maioría das organizacións integradas na cadea de valor biotech. Na actualidade a asociación está integrada por 62 socios, tanto empresariais como institucionais.

O 34% dos socios de BIOGA están vinculados a investigación, o 23% o sector agroalimentario e o 20% á saúde. O resto traballa en ámbitos como a nanobiotecnoloxía, a industria farmacéutica ou o medio ambiente a través do aproveitamento de recursos naturais.

O Clúster traballa para mellorar o posicionamento competitivo do sector biotecnolóxico galego, buscando a mellora competitiva e a xeración de negocio mediante o impulso de accións e servizos directamente dirixidos ás empresas do sector.

As cinco grandes áreas de actuación dos servizos de BIOGA son: crecemento e mellora competitiva, innovación e impulso de proxectos, emprendemento e financiamento de proxectos, internacionalización e acceso a novos mercados e networking intersectorial no marco do sector biotecnolóxico.

BIOGA creceu constantemente tanto en integrantes como en actividade centrando as súas accións en:

- Prestar servizos de interese directo ás empresas, especialmente durante os seus tres primeiros anos de vida en accións orientadas a potenciar o networking intersectorial, a través do seu programa de Bioalmorzos, o apoio ó emprendemento e o seu financiamento, mediante as lonxas de financiación e o apoio ao crecemento e mellora competitiva a través de diversos servizos de formación e asesoramento.

- Desenvolver proxectos sectoriais en colaboración con outras rexións co fin de aglutinar máis masa crítica para o tecido empresarial biotecnolóxico e captar financiación rexional, estatal e europea.

#### NOVENO.-

Que para GAIN, o sector biotecnolóxico é un área prioritaria de I+D+i polo seu carácter estratéxico para o desenvolvemento económico e social de Galicia.

GAIN, dentro das súas competencias, está interesada en colaborar e apoiar economicamente a BIOGA para impulsar a competitividade, a innovación e o potencial da biotecnoloxía como tecnoloxía facilitadora esencial do tecido empresarial.

Tendo en conta as características de BIOGA, na súa condición de entidade integradora dos intereses do sector biotecnolóxico de Galicia, a subscrición do presente convenio de colaboración representa o instrumento adecuado de apoio aos obxectivos estratéxicos do sector e de interese xeral pretendidos polas partes asinantes, circunstancia que determina a dificultade de promover a concorrência pública, aos efectos do establecido no artigo 15.2 da Lei 1/2016, do 18 de xaneiro, de transparencia e bo goberno, nos artigos 19 e 26 da Lei 9/2007, do 13 de xuño de subvencións de Galicia e no artigo 40 do Decreto 11/2009, do 8 de xaneiro, polo que se aproba o regulamento da citada Lei.

Con estes fins as partes acordan subscribir o presente convenio con arreglo ás seguintes,

### C L A Ú S U L A S

#### **PRIMEIRA.- Obxecto.**

O presente convenio ten como obxecto determinar o marco de colaboración entre GAIN e BIOGA para a realización e execución de actuacións que impulsen o papel do sector biotecnolóxico empresarial galego como Tecnoloxía Facilitadora Esencial, e o apoio aos diversos sectores produtivos de Galicia, favorecendo para elo o impulso do desenvolvemento do negocio do sector e a innovación nas empresas biotecnolóxicas.

As accións a desenvolver ao amparo do presente convenio estarán destinadas a:

- Apoiar a concretar de maneira pormenorizada a actividade do sector empresarial biotecnolóxico de Galicia.
- Impulsar a innovación BIOTECH e a hibridación do sector biotecnolóxico como unha tecnoloxía facilitadora esencial cos sectores produtivos tradicionais de Galicia.
- Promover a competitividade das empresas do sector biotecnolóxico mediante a posta en marcha de ferramentas comúns que impulse a cooperación e colaboración empresarial.
- Impulsar as accións de *networking* postas en marcha por BIOGA a través dos Bioalmorzos e accións como o Biospeed Dating.
- Impulsar a cooperación intersectorial e o desenvolvemento do negocio mediante o impulso de mercados nacionais.
- Apoiar o recoñecemento e a traxectoria innovadora das iniciativas empresariais do tecido empresarial galego no campo biotecnolóxico e das Ciencias da Vida.
- Dar visibilidade e posicionar os logros e iniciativas pioneiras do sector das Ciencias da Vida en Galicia a nivel nacional e internacional.

Como anexo I ao convenio, recóllese a descrición das actividades obxecto do mesmo que son:

- Programa de Bioalmorzos.
- Necesidades Compartidas e Compra Masiva.
- Accións de BioSpeed Dating.
- Premios Bioga.
- Actividades de difusión e comunicación
- Informes de seguimento da Estratexia de Impulso á Biotecnoloxía 2016-2020
- Informe Anual de Situación do Sector Biotecnolóxico
- Estratexia de Consolidación do Sector Biotecnolóxico de Galicia 2021-25

En cumprimento do disposto no artigo 20 da Lei 38/2003, do 17 de novembro, xeral de subvencións, a información relativa ao convenio requirida no ordinal oitavo do devandito artigo será comunicado á Base de datos nacional de subvencións (BDNS).

## **SEGUNDA.- Gastos subvencionables**

De acordo co previsto no artigo 29 da Lei 9/2007, do 13 de xuño, de subvencións de Galicia, consideraranse subvencionables os gastos que, sen admitir dúbida, respondan á natureza da actividade subvencionada de acordo coa previsión de orzamento recollido no anexo II e que se realicen no período comprendido entre o 1 de xaneiro de 2019 e a data límite de xustificación da axuda establecida no convenio. En ningún caso o custo de adquisición dos gastos subvencionables poderá ser superior ao valor de mercado.

Tendo en conta o carácter estimativo do orzamento, aceptaranse modificacións na distribución do gasto entre os diferentes conceptos subvencionables que non supoñan minoracións en ningún destes conceptos superiores ao 10% da previsión inicial. Estas minoracións incrementarán as dotacións dos outros conceptos subvencionables.

A petición de BIOGA e previo informe favorable da comisión de seguimento prevista no convenio, GAIN poderá autorizar variacións superiores ao 10% entre os diferentes conceptos subvencionables recollidas no orzamento.

As modificacións sinaladas nos parágrafos anteriores serán posibles sempre e cando non supoñan un incremento do importe da subvención prevista para cada anualidade nin da subvención total.

En ningún caso se considerarán gastos subvencionables, os impostos indirectos cando sexan susceptibles de recuperación ou compensación nin os impostos persoais sobre a renda. O imposto sobre o valor engadido (IVE) poderase considerar gasto subvencionable cando a entidade beneficiaria acredite mediante a correspondente certificación que se encontra acollida ao réxime de exención do IVE.

## **TERCEIRA.- Condicións económicas**

As actividades obxecto do presente convenio teñen un custo estimado de 192.500,00 € (IVE non incluído), para o que GAIN, concede unha subvención a fondo perdido de 181.400,00 € (IVE non incluído) con cargo á aplicación orzamentaria 09.A3.561A.781.0 dos orzamentos da Comunidade Autónoma para o ano 2019 e 2020 de acordo coa seguinte distribución:

|                        | <b>ANO 2019</b>     | <b>ANO 2020</b>     | <b>Total</b>        |
|------------------------|---------------------|---------------------|---------------------|
| <b>Orzamento total</b> | <b>82. 900,00 €</b> | <b>109.600,00 €</b> | <b>192.500,00 €</b> |
| <b>Axuda GAIN</b>      | <b>82. 900,00 €</b> | <b>98.500,00 €</b>  | <b>181.400,00 €</b> |
| Actividades            | 82. 900,00 €        | 87.400,00€          | 170.300,00€         |
| % Axuda                | 100 %               | 100 %               | 100 %               |
| Persoal                | 0,00                | 22.200,00€          | 22.200,00€          |
| % Axuda                | 50 %                | 50 %                | 50 %                |

Atendendo ao establecido no artigo 27 da Lei 9/2007, de 13 de xuño, de subvencións de Galicia, BIOGA poderá subcontratar o 100% dos gastos subvencionados ao abeiro do presente convenio. A subcontratación das actividades subvencionadas regularase polo disposto nos artigos 27 da Lei 9/2007, do 13 de xuño, de subvencións de Galicia, e 43 do Decreto 11/2009, de 8 de xaneiro, polo que se aproba o regulamento do citado texto legal, respectando ao efecto os límites establecidos no punto 7 do citado artigo en canto a persoas ou entidades coas que non se pode concertar a subcontratación.

Así mesmo, o artigo 27.3 da citada Lei 9/2007 establece que cando a actividade concertada con terceiros exceda do 20% do importe da subvención e o dito importe sexa superior a 60.000 €, a subcontratación estará sometida ao cumprimento dos seguintes requisitos:

- Que o contrato se subscriba por escrito.
- Que a súa subscripción a autorice previamente a entidade concedente da subvención por escrito.

No caso de adquisición de bens de equipo, ou a contratación de servizos ou subministracións e materiais, cando o importe do gasto subvencionable iguale ou supere os 15.000 euros no global do proxecto para un mesmo provedor, deberán achegarse un mínimo de tres ofertas de diferentes provedores, con carácter previo á contratación do compromiso para a prestación do servizo ou a entrega do ben, agás que polas súas especiais características dos gastos non exista no mercado suficiente número de entidades que os presten ou subministren. Estas excepcións deberán xustificarse. A elección entre as ofertas presentadas realizarase de conformidade con criterios de eficacia e economía, e achegarase unha memoria xustificativa cando a elección non recaia na proposta económica máis vantaxosa.

En todo caso, de acordo co artigo 43.3 do Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia, GAIN poderá comprobar, dentro do período de prescrición, o custo así como o valor de mercado das actividades subcontractadas.

Procederá a revogación das subvencións, así como ao reintegro total ou parcial das cantidades percibidas e a esixencia de xuros de mora nos casos e termos previstos nos artigos 32 a 40 (capítulos I e II do Título II) da Lei 9/2007, de 13 de xuño, de subvencións de Galicia (DOG do 25 de xuño).

#### **CUARTA.– Compromisos e autorizacións**

##### **1. BIOGA comprométese a:**

- Presentar previamente á sinatura do convenio:

- Certificacións que acrediten que se atopa ao corrente das súas obrigas tributarias e fronte á Seguridade Social e que non ten pendente de pagamento ningunha outra débeda coa Administración Pública da Comunidade Autónoma, en cumprimento do artigo 11.e) da Lei 9/2007, de 13 de xuño, de subvencións de Galicia.
- Declaración responsable de non estar incurso en ningunha das prohibicións para a obtención de subvencións contempladas no artigo 10 da Lei 9/2007, de 13 de xuño, de subvencións de Galicia.

- Desenvolver as actividades do convenio seguindo as liñas de actuación establecidas no anexo I.

- Contabilizar de forma separada a súa actividade- económica e non económica de modo que se poida distinguir con claridade entre ambos os dous tipos de actividades e entre os seus respectivos custos e financiamento. O proxecto financiado ao abeiro deste convenio, dedicarase exclusivamente a actividades de carácter non económico, o que deberá ter o seu reflexo na contabilidade separada, citada no parágrafo anterior, de modo que se cumpra o establecido no Marco Comunitario sobre axudas estatais de investigación e desenvolvemento e innovación (DOUE 27.06.2014 C198/1).

- Facilitar toda a información que lle sexa requirida pola Intervención Xeral da Comunidade Autónoma, o Tribunal de Contas e o Consello de Contas, no exercicio das súas respectivas funcións de fiscalización e

control de destino das axudas concedidas e facilitará a inspección e control dos órganos de GAIN co gallo de supervisar o cumprimento das actividades do convenio.

- Comunicar a GAIN a obtención de subvencións e axudas para a mesma finalidade que a do presente convenio, procedentes de calquera outra Administración Pública ou de entes públicos ou privados, nacionais ou internacionais, tan pronto se teña coñecemento das mesmas.
- Subministrar toda a información necesaria para que GAIN poida dar cumprimento ás obrigas recollidas na Lei 1/2016, do 18 de xaneiro, de transparencia e bo goberno. No caso de que o beneficiario non atenda ao requirimento de información en prazo, procederase conforme ao establecido no artigo 4.4 do citado texto legal.
- Dar consentimento expreso á GAIN para o tratamento necesario dos datos relevantes deste convenio e a súa publicación na páxina web da Axencia Galega de Innovación e no Diario Oficial de Galicia, coas excepcións previstas no artigo 15.2º d) da Lei 9/2007, de 13 de xuño, de subvencións de Galicia
- Dar consentimento expreso á GAIN para incluír e facer público, a través do Portal de transparencia e Goberno aberto e nos rexistros regulados polo Decreto 132/2006, do 27 de xullo, polo que se regulan os rexistros públicos de axudas, subvencións e convenios e sancións, os datos referidos ás axudas e subvencións recibidas ao abeiro do presente convenio.
- Seguir as normas sobre protección de datos, concretamente a Lei orgánica 3/2018, de 5 de decembro, de protección de datos persoais e garantía dos dereitos dixitais.
- Cumprir co disposto no artigo 11 da Lei 9/2007, do 13 de xuño de subvencións de Galicia.
- Achegar os informes e documentos que acrediten o desenvolvemento das actividades do presente convenio, así como os informes e demais documentos requiridos por GAIN.

- Proceder ao reintegro, total ou parcial, dos fondos percibidos e máis os xuros de mora devengados dende o momento do pagamento da subvención ata a data na que se acorde a procedencia do reintegro, no suposto de incumprimento das condicións establecidas para a súa concesión, nos casos previstos no Título II da Lei 9/2007, de subvencións de Galicia.

- Facer constar expresamente a colaboración prestada por GAIN, en todo o material de execución, información e publicidade das actividades do convenio coa utilización do seu correspondente logotipo identificativo.

2. A sinatura deste convenio comportará a autorización a GAIN para consultar as certificacións que deban emitir a Axencia Estatal da Administración Tributaria, a Tesourería Xeral da Seguridade Social e a consellería competente en materia de facenda da Xunta de Galicia segundo o establecido no artigo 20.3 da Lei 9/2007, do 13 de xuño. Non obstante, BIOGA poderá opoñerse a súa consulta polo órgano xestor, e nese caso deberá presentar as certificacións nos termos previstos regulatoriamente.

#### **QUINTA.– Condicións de pagamento.**

Conforme ao estipulado no artigo 60 e 62 do Decreto 11/2009, de 8 de xaneiro, polo que se aproba o regulamento da Lei 9/2007, de 13 de xuño, de subvencións de Galicia, GAIN, efectuará o pagamento anualmente da cantidade estipulada no convenio a BIOGA, previa comprobación da realización do obxecto do convenio e validada a documentación xustificativa presentada en GAIN, conforme o sinalado a continuación:

|                                                      | <b>ANO 2019</b> | <b>ANO 2020</b> | <b>Total</b> |
|------------------------------------------------------|-----------------|-----------------|--------------|
| Orzamento total                                      | 82. 900,00 €    | 109.600,00 €    | 192.500,00 € |
| Axuda GAIN                                           | 82. 900,00 €    | 98.500,00 €     | 181.400,00 € |
| Período de realización de gastos e pagos             | 01/01/2019      | 01/12/2019      |              |
|                                                      | 30/11/2019      | 30/11/2020      |              |
| Data límite presentación documentación xustificativa | 05/12/2019      | 10/12/2020      |              |

Os gastos e pagos realizados dende o 1 ata o 31 de decembro de 2019 poderán imputarse á anualidade seguinte, agás no 2020 que a data límite será o 30 de novembro dese ano.

De non xustificar o importe total das actuacións desenvolvidas, GAIN, minorará a súa achega proporcionalmente, sempre e cando se acadara o obxecto do presente convenio.

Para a xustificación de cada pagamento, BIOGA achegará a documentación que se relaciona na cláusula seguinte acompañada dun informe/memoria das actividades desenvolvidas.

O pagamento realizarase unha vez comprobada a axeitada xustificación da subvención conforme co artigo 30 da Lei de subvencións de Galicia.

Por resolución motivada de GAIN, previa solicitude debidamente xustificada de BIOGA, poderá autorizarse un anticipo de ata o 50% de cada anualidade, naqueles casos en que o investimento esixa pagamentos inmediatos de acordo co artigo 63 do Decreto 11/2009. A concesión dos anticipos quedará condicionada ao cumprimento, por parte do beneficiario, dos requisitos establecidos no artigo 31 da Lei 9/2007.

Segundo o artigo 62 do Decreto 11/2009, a suma dos pagos á conta e dos anticipos non poderá ser superior ao 80% da porcentaxe subvencionada correspondente aos pagamentos xustificados, nin excederá a anualidade prevista en cada exercicio orzamentario.

A realización dos citados pagamentos parciais á conta e anticipados, está exenta da constitución de garantías polo Consello da Xunta de Galicia conforme ao disposto no artigo 67.4 do Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia.

#### **SEXTA.– Forma de xustificación.**

Como documentación xustificativa da realización das actividades do convenio e con arreglo ao sinalado no artigo 48 do Decreto 11/2009, BIOGA deberá presentar:

- Unha Memoria de actuación xustificativa do cumprimento de cada unha das actuacións obxecto do convenio. Presentarase un informe final detallado para cada unha das actuacións con indicación do cumprimento respecto ao planificado e os resultados obtidos, no seu caso, achegando un exemplar

da documentación elaborada acompañado dunha copia en formato CD ou USB, así como calquera entregable, material gráfico, folleto ou fotografías que se obteña no desenvolvemento de cada actividade.

- Memoria económica da aplicación dos fondos destinados ao convenio, na que conste:
  - A) Unha relación clasificada dos gastos e investimentos de cada actividade, con identificación do concepto de gasto, acredor e do documento, o seu importe, data de emisión e data de pagamento.
  - B) Documentación xustificativa do investimento: os gastos xustificaranse con facturas e demais documentos de valor probatorio equivalente no tráfico xurídico-mercantil ou con eficacia administrativa pagados, en orixinal ou copias auténticas electrónicas.

Cando o beneficiario non dispoña de facturas electrónicas para a xustificación da subvención, deberá aportar unha copia auténtica electrónica dos documentos orixinais en papel, de acordo cos procedementos que establece a normativa vixente.

No obstante no presente procedemento, admitirase os documentos en papel ou copias debidamente compulsadas debido a circunstancias funcionais e/ou tecnolóxicas derivadas da implantación progresiva por parte da Administración Xeral da Comunidade Autónoma en relación á organización da emisión das copias auténticas electrónicas.

- C) Os documentos acreditativos dos gastos realizados a través de gastos de persoal ou recursos propios, sempre que sexan realizados dentro do período de vixencia do convenio, debendo xustificar a necesidade de intervención do persoal nestas actuacións no momento da presentación de gastos e a indicación, no seu caso, dos criterios de reparto dos costes xerais incorporados na relación á que se fai referencia na letra A).
- D) Documentación xustificativa do pagamento: orixinal ou copia auténtica electrónica de transferencias bancarias, certificacións bancarias ou extractos bancarios, ou documentos obtidos a través da banca electrónica sempre que contén co selo do banco. En ningún caso se admitirán os pagamentos xustificados mediante recibo do proveedor. Nestes documentos deberán estar claramente identificados o receptor e o emisor do pagamento, o número e a satisfacción do importe total da factura (IVE incluído), así como o concepto a que se refiren. No caso en que no documento de pagamento non se faga referencia ás facturas, deberá ir acompañado da documentación complementaria que permita verificar a correspondencia entre gasto e pagamento.

No caso en que un xustificante de pagamento inclúa varias facturas, xuntarase dunha relación detallada delas en que se poida apreciar que o pagamento se corresponda coas ditas facturas.

- E) Sen prexuízo do indicado nos puntos anteriores, no caso de custos de recursos propios (gastos xerais) xustificaranse ademais cunha memoria detallada das imputacións dos mesmos á actividade correspondente. A memoria irá acompañada dunha certificación asinada polo responsable da entidade e das correspondentes facturas ou documentos de valor probatorio equivalente.
- F) No caso de custos de persoal:
- Certificación dos custos de persoal emitida polo responsable de recursos humanos co visto e prace do responsable de BIOGA, consistente nunha relación detallada por meses do persoal dedicado ás actividades obxecto do convenio, que deberá incluír os seguintes datos: DNI, nome, apelidos, posto na entidade, retribución bruta e líquida mensual, data de pagamento das retribucións, importe da Seguridade Social con cargo a entidade, data de pagamento da Seguridade Social e custo total imputado (retribucións e seguridade social) segundo a dedicación de cada traballador ás actividades do convenio.
  - Copia das nóminas do persoal adicado ás actividades do convenio e orixinal ou copia compulsada dos xustificantes bancarios do seu pagamento. Nos xustificantes de pagamento das nóminas deberán vir detallados os seus receptores, así como as cantidades percibidas por cada un deles. Cando a documentación xustificativa deste gasto conste dun xustificante bancario da remesa total mensual, deberá achegarse a listaxe da orde de transferencia en que se detallen os distintos traballadores incluídos, que deberá estar selada pola entidade bancaria.
  - Boletíns de cotización á Seguridade Social e os seus xustificantes de pagamento (orixinal ou copia compulsada).
- G) No suposto de que o importe do IVE supoña un custo real soportado, poderá ser considerado un gasto subvencionable. Neste caso deberase presentar un certificado relativo á situación da entidade co respecto ao IVE.
- H) Tres ofertas de diferentes provedores cando o importe do gasto subvencionable, no caso de adquisición de bens de equipo e contratación de servizos ou subministracións e materiais, iguale ou supere os 15.000 euros no global do proxecto cun mesmo provedor. Cando polas especiais características dos gastos non exista no mercado suficiente número de entidades que o presten ou subministren, deberá achegarse unha xustificación de tal circunstancia. Se a elección entre as

ofertas presentadas non tivese recaído na proposta económica máis vantaxosa, deberá achegarse unha memoria xustificativa.

- I) Carta de pagamento de reintegro no suposto de remanentes non aplicados, así como os xuros derivados destes, conforme ao establecido no artigo 48.2.g) do Decreto 11/2009, do 8 de xaneiro.

Así mesmo, deberá presentar:

- a) Certificacións que acrediten que se atopa ao corrente das súas obrigas tributarias e fronte á Seguridade Social e que non ten pendente de pagamento ningunha outra débeda coa Administración Pública da Comunidade Autónoma, en cumprimento do artigo 31.7 da Lei 9/2007, de 13 de xuño, de subvencións de Galicia, no caso de que o beneficiario se opoña a consulta polo órgano xestor.
- b) Declaración responsable de non estar incurso en ningunha das prohibicións para a obtención de subvencións contempladas no artigo 10 da Lei 9/2007, de 13 de xuño, de subvencións de Galicia.
- c) Declaración complementaria das axudas solicitadas, tanto as aprobadas ou concedidas como as pendentes de resolución, para a mesma finalidade, das distintas administracións públicas competentes ou dos seus organismos ou sociedades. De ser o caso, deberá achegarse unha copia simple da resolución da concesión desas outras axudas.

GAIN resérvase o dereito a solicitar toda a documentación que considere precisa, en relación coa xustificación do cumprimento do obxecto do convenio.

#### **SÉTIMA.- Compatibilidade con outras axudas**

A subvención concedida será incompatible con outras axudas ou subvencións para as mesmas actividades, xa que se financian o 100% das actuacións obxecto do convenio, a excepción dos custes de persoal que se financian o 50% e que poderán ser compatibles con outras axudas ou subvencións sempre que conxuntamente non superen o custe do total dos mesmos.

#### **OITAVA.- Seguimento e evolución do convenio**

Para garantir a correcta execución e seguimento do pactado neste Convenio, constituirase unha Comisión de Seguimento e Coordinación integrada por dous representantes de GAIN, un deles actuará como presidente, e dous representantes de BIOGA, designados a tal efecto por cada parte.

Son funcións da Comisión de Seguimento e Coordinación as seguintes:

- Realizar o seguimento das actuacións do Convenio.
- Propor solucións aos conflitos que puideran xurdir na aplicación e interpretación das cláusulas do convenio.
- Propor a GAIN variacións entre os importes asignados ás diferentes actuacións subvencionables recollidas no orzamento do convenio (Anexo II), que supoñan minoracións en algunha das actuacións subvencionables superiores ao 10% da previsión inicial, para adecualos á execución do convenio e sempre e cando estas variacións non supoñan un incremento do importe da subvención prevista para cada anualidade nin da subvención total.
- As que sexan precisas para garantir a correcta execución do convenio.

A Comisión reunirse as veces que sexan precisas á solicitude de calquera das partes asinantes.

Esta Comisión rexerase en canto a súa constitución, funcionamento e adopción de acordos pola normativa vixente en materia de órganos colexiados regulada na sección 3ª do capítulo primeiro do Título I da Lei 16/2010, do 17 de decembro, de organización e funcionamento da Administración Xeral e do sector público autonómico de Galicia.

#### **NOVENA.- Control**

GAIN poderá realizar as actividades de inspección que considere oportunas para controlar o cumprimento da subvención.

En todo caso, as subvencións estarán sometidas á función interventora e de control financeiro exercido pola Intervención Xeral da Comunidade Autónoma, nos termos que establece o título III da Lei 9/2007, do 13 de xuño de subvencións de Galicia. Así mesmo, estará sometida ás actuacións de comprobación previstas na lexislación do Tribunal de Cuentas e do Consello de Contas.

#### **DÉCIMA.- Alteración das actuacións.**

A petición de BIOGA e previo informe favorable da comisión de seguimento prevista no convenio, GAIN poderá autorizar variacións entre os importes asignados a cada unha das actuacións subvencionables recollidas no orzamento do convenio (Anexo II), sempre e cando estas variacións non supoñan un incremento do importe da subvención prevista para cada anualidade nin da subvención total.

Toda alteración nas accións a realizar, agás as sinaladas no parágrafo anterior, deberán ser obxecto de autorización por GAIN e formalizárase mediante a correspondente addenda ao presente convenio, consonte o artigo 35 do Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia.

O convenio poderá ser modificado coa finalidade de lograr os obxectivos de estabilidade orzamentaria e sustentabilidade financeira da Comunidade Autónoma de Galicia. As devanditas modificacións terán por obxecto a redución do volume das actuacións a desenvolver por BIOGA ou a ampliación do prazo de execución.

#### **DÉCIMO PRIMEIRA.- Inexistencia de relación laboral.**

A subscrición do presente convenio, non implicará relación laboral, contractual ou de calquera outro tipo entre os profesionais que vaian a desenvolver as actuacións obxecto deste convenio con GAIN, de tal xeito que non se lle poderá esixir a esta Axencia responsabilidade ningunha, nin directa nin subsidiariamente, polos actos ou feitos acaecidos no desenvolvemento do mesmo.

#### **DÉCIMO SEGUNDA.- Autonomía do beneficiario**

BIOGA manterá a súa autonomía respecto da Administración, o que supón que, a pesar de que a súa actividade favorece o interese xeral, a Administración non percibe a cambio da súa entrega unha vantaxe ou beneficio que afecte de forma directa a aquelas actividades que a Administración debe asumir como propias no exercicio de competencias que as normas lle atribúen. Deste xeito, BIOGA será propietaria intelectual dos traballos resultantes, co compromiso de poñelos a disposición de todas as empresas do sector biotecnolóxico de Galicia de forma indiscriminada.

#### **DÉCIMO TERCEIRA.- Resolución**

Serán causas de resolución do presente convenio procedendo ao reintegro, total ou parcial, da axuda percibida e dos xuros de mora correspondente dende o momento do pagamento da subvención ata a data na que se acorde a procedencia do reintegro, as determinadas no artigo 33 da Lei 9/2007, do 13 de xuño.

En especial, son causas de resolución do presente convenio as seguintes:

- A desviación dos fondos outorgados para outra finalidade distinta da sinalada neste convenio.
- O incumprimento da obriga da xustificación do investimento realizado.

- O incumprimento de calquera outra das cláusulas establecidas no convenio
- O transcurso do tempo estipulado sen que se desenvolva o mesmo.
- O acordo mutuo das partes.

O incumprimento total dos fins/obxectivos do convenio, determinado a través dos mecanismos de seguimento e control, da realización do investimento financiable ou da obriga de xustificación, serán causa de perda do dereito ao cobramento ou de reintegro total da subvención.

Considerarase igualmente como incumprimento total a xustificación de menos do 50% do gasto subvencionable recollido no anexo II do convenio, coas consecuencias previstas no paragrafo anterior.

No caso de que se xustifique un gasto subvencionable inferior ao recollido no anexo II, pero igual ou superior ao 50% daquel, considerarase a existencia dun incumprimento parcial e dará lugar á perda do dereito ao cobramento da subvención na porcentaxe correspondente ao gasto ou investimento non xustificada.

O incumprimento parcial dos fins/obxectivos do convenio dará lugar á perda do dereito ao cobramento ou ao reintegro parcial da subvención na porcentaxe que se determine nos informes de seguimento.

#### **DÉCIMO CUARTA.- Natureza e resolución de conflitos**

O presente convenio terá carácter administrativo, rexéndose os seus efectos polo establecido nas cláusulas do mesmo e polo establecido na Lei 9/2007, de 13 de xuño, de Subvencións de Galicia, e no Decreto 11/2009, de 8 de xaneiro, polo que se aproba o regulamento do citado texto legal.

As axudas obxecto do presente convenio están dirixidas á realización de actividades de I+D+i de carácter non económico por parte dunha agrupación empresarial innovadora sen ánimo de lucro e a disposición de todas as empresas do sector biotecnolóxico dun xeito indiscriminado sen que supoña beneficio económico para BIOGA, e cumpren cos requisitos establecidos pola Comisión Europea no Marco Comunitario sobre Axudas Estatais de Investigación e Desenvolvemento e Innovación (DOUE C 198, de 27 de xuño de 2014)

Non obstante, se da investigación realizada se derivasen actividades de carácter económico, BIOGA como entidade beneficiaria das axudas deberá reintegrar a subvención recibida na medida da actividade xerada. O obxectivo é estimular a actividade investigadora mediante o intercambio de coñecementos, a contribución efectiva á transferencia de coñecemento, a difusión de información e a colaboración entre as empresas e outras organizacións da agrupación.

GAIN ostentará as prerrogativas de interpretación, modificación, resolución e nulidade propia dos negocios xurídicos administrativos, de acordo coa Lei de contratos do sector público. As cuestións litixiosas que poidan xurdir na interpretación e cumprimento do convenio serán de coñecemento e competencia da Orde Xurisdicional do Contencioso-Administrativo.

#### **DÉCIMO QUINTA.- Vixencia do convenio**

O presente convenio estará vixente desde a data da súa sinatura ata o 31 de decembro de 2020, sen prexuízo de que as actuacións obxecto do mesmo xa se iniciasen no mes de xaneiro de 2019.

E en proba de conformidade, asinan o presente Convenio, en duplicado exemplar, no lugar e data indicado na cabeceira do presente documento.

Pola Axencia Galega de Innovación

Francisco José Conde López

Pola Asociación BIOGA-Clúster Tecnolóxico Empresarial das Ciencias da Vida

Carme Pampín Casal

## ANEXO I

As actuacións concretas que se levarán a cabo a través deste convenio son as seguintes:

### **Programa de Bioalmorzos**

O obxectivo é reunir aos actores do sector biotecnolóxico galego con expertos de relevancia nun café e almorzo que alimente os seus procesos de innovación. Cada evento estará orientado a un tema específico nun lugar informal onde o poñente ten unha hora para presentar a súa visión e responder ás dúbidas.

Con este programa dáselle oportunidade ás empresas bio, en reunións *one-to-one*, a desenvolver colaboracións máis estreitas e fomentar o *networking* con entidades e expertos de relevancia para o sector. Así fortalécese a colaboración intersectorial entre o sector biotecnolóxico con outros sectores e a xeración de espazos de encontro para a cooperación.

Realizaranse como mínimo 10 bioalmorzos durante o período 2019-2020 con 150 participantes durante a vixencia do convenio. O número máximo de asistentes estará limitado a 30 persoas.

### **Necesidades Compartidas e Compra Masiva**

O obxectivo é fomentar a cooperación das empresas do sector biotecnolóxico mediante un programa de recursos e servizos que respondan a necesidades comúns, que se poidan intercambiar entre si as empresas ou comprar no seu conxunto, de xeito que permitan facer as empresas máis competitivas e estar máis orientadas á innovación.

A maioría das empresas do sector correspóndese coa categoría de PEME, o que supón unha desvantaxe á hora de acceder a servizos e compras de provedores. Unha cooperación neste eido entre as empresas e a posta en marcha de servizos de información conxuntos permitirá ás empresas acadar un mellor posicionamento no mercado.

Con esta actuación acadarase o fomento e detección de necesidades compartidas entre as empresas do sector, promoción da compra masiva de servizos de interese e creación dun sistema de alertas sobre convocatorias de I+D+i especialmente adaptadas ás necesidades e características das empresas do sector BIO Galego. Este sistema cubrirá tanto a parte de subministro periódico de información sobre convocatorias de axuda como a dinamización das empresas adheridas ao servizo para facilitar a identificación de ideas de proxecto susceptibles de financiamento.

As actividades previstas neste eido son as seguintes:

- Coordinación e dinamización de grupos de traballo entre os asociados para a identificación de necesidades compartidas de comercialización e aprovisionamento conxunto.
- Posta en marcha de servizos conxuntos piloto identificados.
- Execución e asistencia en actividades de interés común para o sector biotecnolóxico, sendo Bioga o interlocutor e representante de todas as entidades interesadas.

### Accións de BioSpeed Dating

O obxectivo é fomentar o *networking* entre empresas do sector con fin de coñecer a actividade e as liñas de colaboración doutras empresas e axentes, xerar contactos e con iso novas perspectivas de negocio e novos proxectos colaborativos para futuras convocatorias autonómicas, nacionais ou internacionais.

Con estas accións acadarase fomentar a colaboración entre os axentes clave do sector: clientes, colaboradores e aliados entre as empresas e institucións que forman parte do ecosistema a nivel Galicia e de fóra de Galicia.

Durante o período 2019-2020 está previsto organizar 2 sesións de BioSpeed Dating focalizadas nunha xornada de *networking* onde os participantes terán a oportunidade de interactuar entre si para coñecer outras empresas. Cada sesión estruturarase do seguinte xeito:

- Ponencia dunha personalidade de relevancia nacional.
- Reunións one-to-one de 30 minutos de duración entre as empresas.
- *Networking*

### Premios Bioga

O obxectivo é recoñecer a labor das empresas pioneiras do sector da biotecnoloxía de Galicia e valorar e promover o talento dos emprendedores no sector.

Preténdese incentivar a posta en marcha de iniciativas empresariais entre os mozos galegos e o recoñecemento de empresas competitivas do tecido empresarial galego no campo da biotecnoloxía e das Ciencias da Vida.

Con esta actuación recoñecerase o valor competitivo dirixido a aquelas empresas cunha traxectoria empresarial consolidada nos últimos anos e con logros biotecnolóxicos destacados. Tamén se procurará o recoñecemento do talento para proxectos innovadores ou empresas de recente creación que aposten por revolucionarios produtos ou servizos no campo das ciencias da vida e con visión de futuro.

Durante o período 2019-2020 organizaranse dúas edicións dos Premios Bioga baixo o seguinte esquema:

- Redacción e proposta das Bases pola Xunta Directiva e aprobadas polo Xurado dos Premios.
- Convocatoria dos premios con mínimo dúas categorías definidas previamente pola Xunta Directiva de Bioga.
- Reunión do xurado e elección de gañadores. O xurado estará composto por persoas relevantes do panorama académico e empresarial biotecnolóxico de Galicia o cal se encargará de elixir as candidaturas gañadores en base a uns criterios de selección definidos.
- Entrega dos premios: realizarase de forma preferente nas instalacións da empresa premiada na edición anterior.
- Os Premios consistirán nun acto de visibilidade para as candidaturas presentadas e poderán estar dotados dunha cuantía económica.

### **Actividades de difusión y comunicación**

O obxectivo é dinamizar, dar visibilidade e posicionar a imaxe global do sector biotecnolóxico galego e das entidades que o forman, así como posicionar as accións levadas a cabo dun xeito clave na consolidación das empresas, no fomento do volume de negocio e na busca de financiamento, así como a cooperación con outros socios biotecnolóxicos dentro e fóra da rexión.

Por outra banda, preténdese conseguir un alto impacto de visibilidade do sector nas canles de comunicación, tanto a nivel especializado como divulgativo.

### **Estratexia de Impulso á Biotecnoloxía 2016-2020: Informes de seguimento**

Co obxectivo de realizar o adecuado seguimento da segunda parte da execución da Estratexia de Impulso á Biotecnoloxía 2016-2020, plantexase a participación de BIOGA no Comité de Seguimento estratéxico e a correspondente elaboración de informes trimestrais sobre planificación de actividades a realizar, seguimento de indicadores do sector e outra información a resaltar e analizar na rexión sobre o sector biotecnolóxico.

### **Informe Anual de Situación do Sector Biotecnolóxico**

Co fin de analizar o impacto e crecemento da biotecnoloxía a nivel sectorial na rexión de Galicia, levaráse a cabo a elaboración dun informe anual de evolución do sector biotecnolóxico en Galicia. Nel recolleranse os

principais indicadores de evolución sectorial, así como reportaxes sobre casos de éxito do sector e entrevistas ás principais institucións e axentes do ecosistema Bio rexional.

### **Elaboración da Estratexia de Consolidación do Sector Biotecnolóxico de Galicia 2021-2025**

O obxectivo é deseñar a unha nova Estratexia, enfocada á consolidación do sector da Biotecnoloxía para o período 2021-2025, que dea continuidade á xa existente, a cal se ven executando na actualidade, co fin de establecer para os próximos anos a visión do sector no futuro e o mapa de ruta que amosa dita visión.

A redacción, implementación e avaliación da Estratexia do sector biotecnolóxico de Galicia 2021-2025 requerirá dunha información apropiada que conleva unha metodoloxía adaptada ás necesidades, involucrando neste proceso aos principais actores involucrados no sector. Tamén é fundamental un diagnóstico da información dispoñible e identificación de barreiras sectoriais. Levarase a cabo a acción de identificar e desenvolver as capacidades, coordinar a todos os axentes e difundir os resultados entre o tecido do sector. Tamén é importante neste sentido, a identificación de boas prácticas e a articulación das liñas estratéxicas a nivel europeo.

A estratexia de consolidación do sector da biotecnoloxía de Galicia 2021-2025 constitúe un paquete de accións e medidas a implementar que axudarán a que os programas de inversión se acheguen ao sector co fin de representar unha oportunidade para acadar o consenso nos principais grupos de interese do sector.

As actividades previstas a realizar durante 2019 e 2020 neste eido son as seguintes:

Elaboración do documento da Estratexia de Consolidación do sector biotecnolóxico en 2021-2025 integrando diferentes conceptos:

- Articulación e integración das actividades actuais e futuras do sector na Estratexia de Consolidación.
- Identificación de boas prácticas a nivel nacional e internacional que axuden a desenvolver o mapa de ruta da Estratexia.
- Identificación do aliñamento das accións da Estratexia coas liñas europeas de innovación e financiación.
- Realización de reunións cos axentes clave do sector, facendoos participes activos na elaboración da Estratexia, a través de reunións periódicas de forma individual ou conxunta cos axentes durante a fase de diálogo.
- Elaboración da folla de ruta en base aos datos de situación do sector dos últimos 3 anos e o diálogo cos axentes clave do sector.

## ANEXO II

| Convenio BIOGA-GAIN 2019/2020 | 2019               | 2020                | TOTAL               |
|-------------------------------|--------------------|---------------------|---------------------|
| <b>Actividades</b>            | 82.900,00 €        | 87.400,00 €         | 170.300,00 €        |
| <b>Axuda GAIN</b>             | <b>82.900,00 €</b> | <b>87.400,00 €</b>  | <b>170.300,00 €</b> |
| % axuda                       | 100%               | 100%                | 100%                |
| <b>Gastos de persoal</b>      | 0,00 €             | 22.200,00 €         | 22.200,00 €         |
| <b>Axuda GAIN</b>             | <b>0,00 €</b>      | <b>11.100,00 €</b>  | <b>11.100,00 €</b>  |
| % axuda                       | 50%                | 50%                 | 50%                 |
| <b>Orzamento total</b>        | <b>82.900,00 €</b> | <b>109.600,00 €</b> | <b>192.500,00 €</b> |
| Axuda GAIN                    | 82.900,00 €        | 98.500,00 €         | 181.400,00 €        |
| Aportación BIOGA              | 0,00 €             | 11.100,00 €         | 11.100,00 €         |

| Desglose de gastos por partida                                          | 2019               | 2020                | TOTAL               |
|-------------------------------------------------------------------------|--------------------|---------------------|---------------------|
| Bioalmorzos                                                             | 5.000,00 €         | 5.000,00 €          | 10.000,00 €         |
| BIOSPEED DATING                                                         | 9.500,00 €         | 9.500,00 €          | 19.000,00 €         |
| Necesidades compartidas e compra masiva                                 | 10.000,00 €        | 10.000,00 €         | 20.000,00 €         |
| Premios BIOGA                                                           | 12.000,00 €        | 12.000,00 €         | 24.000,00 €         |
| Actividades de difusión e comunicación                                  | 17.500,00 €        | 17.500,00 €         | 35.000,00 €         |
| Estratexia de Impulso á Biotecnoloxía 2016-20: Informes de seguimento   | 6.900,00 €         | 6.900,00 €          | 13.800,00 €         |
| Informe Anual de Situación do Sector Biotecnolóxico                     | 12.000,00 €        | 12.000,00 €         | 24.000,00 €         |
| Estratexia de Consolidación do Sector Biotecnolóxico de Galicia 2021-25 | 10.000,00 €        | 14.500,00 €         | 24.500,00 €         |
| Gastos de actividades                                                   | 82.900,00 €        | 87.400,00 €         | 170.300,00 €        |
| Gastos de persoal                                                       | 0,00 €             | 22.200,00 €         | 22.200,00 €         |
| <b>TOTAL</b>                                                            | <b>82.900,00 €</b> | <b>109.600,00 €</b> | <b>192.500,00 €</b> |